




ԱՄՍՎԵՐՋԻ ՀԱՆԴԻՍՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Հունիսի 7-ին, երկուշաբթի օրը, ժամը 11.30-ին, Հայոց Հայրապետի նախագահությամբ, հոգևոր ճեմարանի ընդունելության սրահում տեղի ունեցավ 1975—1976 ուսումնական տարվա ամսվերջի հանդիսությունը, որին ներկա էին Մայր տաճարի լուսարարապետ տ. Հուսիկ եպս. Սանդուխյանը, ս. Գեղարդ վանքի վանահայր տ. Վահան եպս. Տերյանը, Մայր Աթոռի դիվանապետ տ. Արսեն եպս. Բերբերյանը, վրահայոց թեմի առաջնորդ տ. Գևորգ եպս. Սերադյանը, Մայր Աթոռի միաբանությունը, հոգևոր ճեմարանի դասախոսական կազմը և ուսանողությունը, մայրավանքի պաշտոնեությունը և այլ հրավիրյալներ:

Հանդիսությունը բացվում է թիվ արտասանված Տերունական աղոթքով, Հայաստանի պետական հիմնի նվագով և հոգևոր ճեմարանի քայլերգով:

Հոգևոր ճեմարանի վերակացու Միսաք սրկ. Մարգարյանը կատարում է ամսվերջի հանդիսության բացումը:

Այնուհետև գործադրության է դրվում հոգևոր ճեմարանի ուսանողների ուժերով կազմված գեղարվեստական բաժինը, որը բաղկանում էր արտասանություններից, խմբերգերից ու նվագից:

Ճեմարանի երգչախումբը խանդավառորեն կատարում է «Էջ Միածինն ի Հօրէ», «Որք զարդարեցին» շարականները, «Հոյ մար» (Համբարձում Բերբերյան),

«Ազգ փառապանծ» (Առնո Բաբաջանյան), «Հողալլո» (Կոմիտաս վարդապետ), «Ծաղկիր, ազատ իմ հայրենիք» (Արտեմի Ալվազյան) և «Էրեբունի-Երևան» (Էդգար Հովհաննիսյան) խմբերգերը:

Բ լսարանի ուսանող Բյուզանդ Գալաճյանը, Գ լսարանի ուսանողներ Վաչագան Ավետիքյանն ու Հովսեփ Պալըզյանը հանդես են գալիս հայերեն, Բ լսարանի ուսանող Աղասի սրկ. Բապունյանը՝ ռուսերեն, և Ա դասարանի ուսանող Արա Տաքեայանը՝ անգլերեն արտասանություններով:

Բ լսարանի ուսանող Կիրակոս սրկ. Հովհաննյանը դաշնամուրի վրա կատարում է «Հայկական պար» իր ստեղծագործությունը: Նույն լսարանի ուսանող Լևոն սրկ. Բաղդասարյանը դաշնամուրի վրա կատարում է Սարգիս Բարխուդարյանի «Պար»-ը, և Գ դասարանի ուսանող Հրաչ Օղյուքյանը՝ Էդ. Բաղդասարյանի փոխադրությամբ «Հայկական ժողովրդական պար»-ը:

Բ լսարանի ուսանող Սորին սրկ. Մանդալյանը, հանուն հոգևոր ճեմարանի ուսանողության, կարդում է Վեհափառ Հայրապետին ուղղված որդիական երախտագիտության և շնորհակալության մի ջերմ ուղերձ:

«Պատմության և հավերժի գիրկն ենք թողնում այս հանդիսավոր առավոտ ո՛րի ուսանողական տարի ևս: Ուսանողներ և

դասախոսներ, հավաքված այսօր ճեմարանի կամարների ներքո, հրաժեշտ են տալիս անցած ուսումնական տարեշրջանին, որը, անցյալի գիրկը մտնելով, մի նոր էջ է ավելացնում սուրբ Էջմիածնի վանական այս դպրոցի պատմության մեջ:

Հին ժամանակներից մինչև այսօր Էջմիածինը եղել է հայ ժողովրդի հոգևոր և մշակութային կենտրոնը: Միաձուլված այս վայրը ժողովարան է դարձել ուսումնա-ծարավ հայ երիտասարդների համար: Էջմիածնի անցեջ կանթեղն իր աստվածային լույսի ճառագայթներով լուսավորել է միշտ հայ պատանիների միտքն ու հոգին: Հոգով ու մտքով լիապես սնված, նաև հավատքի գործությամբ զինված Էջմիածնի դպրեվանքի ուսանողներից շատերն իրենց մտքի ու սրտի լույսերով ու զանձերով հարստացրել են հայ ժողովրդի հոգևոր, մշակութային զանձարանը:

Մերունդներ են անցել ճեմարանի կամարների տակով, բայց մնացել են նրանց հիշարժան գործերը: Նոր սերունդը՝ այսօրվա ուսանողներս, ոգևորված մեր նախնիների հերոսական պատմությամբ ու նրանց հաջողություններով, ուխտում ենք մի անգամ ևս անձնուրաց կերպով նվիրվելու մեր վեհ նպատակին՝ ծառայելու հայ եկեղեցուն և հայ ժողովրդին:

Հոգևոր ճեմարանի հարկի տակ մեր մանկահասակ հոգիները գտել են իրենց մտքի, սրտի օրորոցը: Տարիներ կանցնեն, և այսօրվա ուսանողների հոգում ցանկված քրիստոնեական հավատի, հայրենասիրության ու ծառայասիրության սերմերը կը բերեն բարի ու խոստումնալից արդյունքներ. «Ընդ միոյ երեսուն, ընդ միոյ վաթսուն, և ընդ միոյ հարիւր»: Ծեմարանական մեր կյանքի ընթացքում լուսավորվեց և ընդարձակվեց մանավանդ մեր մտքի հորիզոնը, և ավելի համոզիչ դարձավ Քրիստոսի քաղցր լուծը կրելու վեհաքանչ ձգտումը:

Ամենից առաջ այս հանդիսավոր պահին երախտագիտություն և շնորհակալություն պետք է հայտնենք Նորին Սուրբ Օծություն Ս. Տ. Վազգեն Ա Հայոց Հայրապետին՝ ուսանողների հանդեպ ցույց տված Նրա մշտական հայրական սիրո և ուշադրության համար, որը մեզ պարտավորեցնում է ու խանդավառում մեր աշխատանքներում:

Միտք անկեղծ զգացումներով երախտապարտ ենք նաև մեր սիրելի տեսչին՝ արժանապատիվ տ. Հովհաննես ավ. քհն. Մարությանին, ողջ դասախոսական կազմին, որոնք նվիրել են իրենց ուսանելի և օրինակելի կյանքը սերունդներ դաստիարակելու սուրբ և շնորհակալ գործին

այս դարավոր Հաստատության հովանու ներքո:

Շնորհակալության սրտագին խոսք ունենք նաև մեր սիրելի վերակացուներին:

Վեհափառ Տեր, հանուն ուսանողության հավատացնում ենք Ձեզ և մեր սիրելի դասախոսներին, որ մեր հոգում ցանած հոգևոր ու մտավոր սերմերը ապարդյուն չեն մնալու: Մենք ջանք չենք խնայելու՝ արդարացնելու համար Ձեր բարի հույսերը: Պիտի հետևենք մեր նախնիների օրինակին, պիտի աշխատենք հավատարիմ զավակները լինել այս նվիրական Հաստատության՝ ի փառս նրա պայծառության, և լինել արժանավոր զավակները նաև հայ ժողովրդի և մեր ազատ հայրենիքի»:

Հանդիսության երկրորդ բաժնում հանդես եկավ հոգևոր ճեմարանի տեսուչ արժ. տ. Հովհաննես ավ. քհն. Մարությանը, որը համառոտակի, բայց ամբողջական ձևով ներկայացրեց հոգևոր ճեմարանի 1975—1976 ուսումնական տարվա աշխատանքային ընդհանուր պատկերը՝ շեշտելով մանավանդ, որ լրացավ հոգևոր ճեմարանի վերաբացման 30-ամյակը, 30-ամյակ, որի 20 տարիներն անցան անմիջական հսկողության և իմաստուն, հոգատար ղեկավարության ներքո ազգիս Վեհափառ Հայրապետի, Որն իր սրտին ամենամոտիկ հաստատությունն է նկատել այս կարևոր օջախը՝ մեծ ու արդար հույսեր կապելով նրա կյանքի և գործունեության հետ, հայ եկեղեցու մե՛ր օրերի պայծառության բնագավառում:

Հոգևոր ճեմարանը 1975—1976 ուսումնական տարին փակում է 26 ուսանողներով.

Բ լսարան՝ 9 ուսանող
Գ դասարան՝ 8 ուսանող
Բ դասարան՝ 5 ուսանող
Նախապատրաստական դասարան՝
4 ուսանող:

Այս տարի էլ հոգևոր ճեմարանի դասախոսական կազմը գլխավորել է Վեհափառ Հայրապետը: Դասախոսական կազմում կատարվել են մի շարք փոփոխություններ:

Իր զեկուցագրում տեսուչ հայրը նշում է, որ հոգևոր ճեմարանի «դասախոսական կազմը բարեխղճորեն կատարել է իր պարտականությունը և ոչ մի ջանք չի խնայել ուսանողությանը ներշնչելու հավատք, հայրենասիրական ոգի և ծառայության նվիրում՝ նրանց ապագա գործունեության ճանապարհի վրա»:

Հոգևոր ճեմարանի ուսանողներն իրենց ընթացիկ պարտականություններից դուրս զբաղվել են նաև ընթերցանությամբ, ֆուտ-

քոլի, թեմիսի և մարմնամարզական այլ խաղերով:

Հաճախ հավաքություններ են եղել վեհափառ Հայրապետի մոտ, որտեղ ուսանողները լսել են քարոշա-դաստիարակչական բնույթի օգտակար զրույցներ և ուսանելի խրատներ:

Այս տարի հոգևոր ճեմարանի հարկի տակ տեղի են ունեցել հետևյալ զեկուցումները, հանդիսություններն ու հանդիպումները.

1. Եկեղեցիների համաշխարհային խորհրդի աշխատակից Ահարոն Սալադյանի հանդիպումը ուսանողների հետ:

2. «Տպավորություններ Հոռոմի սրբավայրերից» թեմայով զեկուցել է տ. Զավեն եպս. Զինչիյանը:

3. Նոր տարվա տոնախմբությունը:

4. Վարդանանց տոնակատարությունը. զեկուցող՝ հոգևոր ճեմարանի գրաքար լեզվի և հայոց պատմության դասախոս Սամվել Անթոնյան:

Ուսանողները պտույտի են մեկնել Էրեբունի, Ծաղկաձոր, Գեղարդ, Սարդարապատ, Օշական: Այցելել են Պետական պատկերասրահ, Մատենադարան, Կոմիտասի անվան պանթեոն: Հունիսի 8-ից ճեմարանի ուսանողությունը և դասախոսական կազմը մեկնելու են չորսօրյա պլուտույտի՝ կենտրոն ունենալով Դիլիջան քաղաքը:

Ուսանողները հաճախ եղել են կինոթատրոններում, երաժշտական ներկայացումներում, Էջմիածնի և Երևանի համերգասրահներում:

Ս. Ստեփանոսի տոնին, տ. Հուսիկ սրբազանի ձեռամբ, սարկավագ են ձեռնադրվել Բ լսարանի յոթ ուսանողներ՝ Արծրուն Ավետիսյան, Լևոն Բաղդասարյան, Աղասի Բապուռյան, Սորին Մանդալյան, Կիրակոս Հովնանյան, Դերենիկ Սալյան, Վանիկ Տեր-Մկրտչյան: Ուրարակության աստիճան է շնորհվել Բ լսարանից՝ Բյուզանդ Գալաթյանին և Գրիգոր Հաճյանին, իսկ դպրության չորս աստիճան՝ Գ դասարանի ուսանողներ Վաչագան Ավետիքյանին, Խաչիկ Խարազյանին, Տիգրան Սահրադյանին, Կարապետ Տաքեայանին, Հրաչ Օղյուզյանին և Արա Շլուկյանին:

Ճեմարանի նախկին շրջանավարտներ Հակոբ սրկ. Խաչատրյանը և Հակոբ սրկ. Գրլընճյանը ա/թ. մայիսի 13-ի իրենց դիպլոմային աշխատանքների քանավոր պաշտպանությունը կատարել են հաջողությամբ և ստացել վկայական:

Համառոտ այս զեկուցագրից հետո տ. Հովհաննես ավագ քահանան մի անգամ ևս, հանուն տեսչության և դասախոսական

կազմի, շնորհակալություն է հայտնում վեհափառ Հայրապետին, Որն Իր գահակալության 20 տարիների ընթացքում միշտ էլ ժամանակ է գտել Իր Հայրապետական Աթոռից իջնելու և, որպես ուսումնապետ, մտնելու ճեմարանի դասարաններից ներս:

Այնուհետև տեսուչ քահանա հայրը հրապարակում է 1975—1976 ուսումնական տարում ուսման մեջ առաջադեմ ուսանողների անունները, որոնք աջահամբույրով ստանում են վեհափառ Հայրապետի օրհնությունները և այս առթիվ սահմանված նվերները.

Բ լսարան—9,52 միջինով առաջին է հանդիսանում Սորին սրկ. Մանդալյանը.

8,91 միջինով երկրորդ է հանդիսանում Կիրակոս սրկ. Հովնանյանը.

8,83 միջինով նույնպես երկրորդ է հանդիսանում Բյուզանդ Գալաթյանը:

Գ դասարան—8,25 միջինով առաջին է հանդիսանում Հրաչ Օղյուզյանը.

8,11 միջինով երկրորդ է հանդիսանում Տիգրան Սահրադյանը.

8,10 միջինով նույնպես երկրորդ է հանդիսանում Հովսեփ Պալըզյանը:

Բ դասարան—8,24 միջինով առաջին է հանդիսանում Ստեփան Դավթյանը.

8,03 միջինով երկրորդ է հանդիսանում Գագիկ Գարգալաշը:

Նախապատրաստական դասարան—

8,16 միջինով առաջին է հանդիսանում Արա Տաքեայանը.

8,14 միջինով նույնպես առաջին է հանդիսանում Հաճիմանուկ Գանձապետյանը.

7,48 միջինով երկրորդ է հանդիսանում Հակոբ Սագոյանը:

Մայրենի լեզվի մեջ ցուցաբերած առաջադիմության և օրինակելի վարքի համար տեսչությունը պարգևատրում է Վանիկ սրկ. Տեր-Մկրտչյանին և Սորին սրկ. Մանդալյանին:

Տեսուչ հոր հրավերով խոսք է առնում նաև վեհափառ Հայրապետը՝ այս հանդիսավոր առիթով մի անգամ ևս իր օրհնությունն ու պատգամը տալու տեսչությանը, դասախոսական կազմին և ուսանողությանը:

Հայոց Հայրապետը մի անգամ ևս Իր քարձր գնահատությանն ու ջերմ օրհնությանն է արժանացնում հոգևոր ճեմարանի հարկի տակ տեսչության, դասախոսական կազմի կատարած նվիրյալ ու քարեխիղճ ուսումնա-դաստիարակչական աշխատանքները:

Այնուհետև, հայրական Իր ոգեշունչ խոսքն ու պատգամն ուղղելով ուսանողությանը, Հայոց Հայրապետը նրանց բացա-

սրում է հոգևոր ու ազգային-հայրենասիրական ծառայության գեղեցկությունն ու կարևորությունը մեր հավատացյալ ժողովրդի ծոցում մահ ալսօր և՛ հայրենիքի մեջ, և՛ մանավանդ սփյուռքում, որտեղ հայ եկեղեցին, Մայր Աթոռ ս. Էջմիածնի օրհնության ներքո, մախանձամական առաքելություն է կատարում Բրիտոսի փառքի

և մեր ժողովրդի հոգևոր մխիթարության համար:

Հանդիսությունն ավարտվում է խմբովին երգված «Հայր մեր»-ով և Վեհափառ Հայրապետի «Պահպանիչ»-ով:

Հոգևոր ճեմարանի տեսչական ու դասախոսական կազմը և ուսանողությունը վերջում աջահամբույրով ստանում են Վեհափառ Հայրապետի օրհնությունը:

